



24. februar 2011

Inatsisartut Suleriaasianni § 37 naapertorlugu matumuuna Naalakkersuisut imaattumik apeqqummik nassiussivigaakka:

Naalakkersuisunut apeqqutit:

1. **Aningaasaqarnermut Naalakkersuisup Air Iceland-imut isumaqatigiissut pillugu oqaaseqarpoq EU-mit tapiissutit eqqarsaatigalugit isumaqatigiissutaasoq, taava Aningaasaqarnermut Naalakkersuisup uppersarsinnaavaa suliarinnittussarsiuus-
sisoqarnikuusoq malittarisassat atuuttut naapertorlugit, soorlu EU-mit taanna piu-
masaqaataasoq?**
 - a. **Taamaattoqarsimangippat, sooruna piumasaqaatit malinneqarsimangittut?**
 - b. **Taamaaliortoqarsimappat, suliarinnittussarsiuussinermut tunngavissiat akissu-
teqaammut ilanngunneqarnissaat qinnutigaara.**
2. **Aningaasaqarnermut Naalakkersuisup suliarinnittussarsiuussilluni pisineq pappiaq-
qanik pisinermut assersuuppaa, Naalakkersuisut allalluunniit inuiaqatigiinnut ani-
ngaasatigut kingunissaannik misissuisimanerlutik- immaqaluunniit Air Greenland-
imut paasiniaasimanerluni isumaqatigiissutip kingunissai pillugit?**
 - a. **Taamaaliorsimangikkuni, suna peqqutaava?**
 - b. **Taamaaliortoqarsimappat inuiaqatigiinnut kingunissaannik misissuisimanerit
takussutissartaat ilanngunneqarnissaat kissaatigaara**
3. **Naalakkersuisut qanoq iliuuseqarniarpat Air Greenland-ip timmisartuussiviit unam-
milleqatigiiffiunngittut ukiuunerani siunissamilumi unitsissagunigit?**
4. **Naalakkersuisut tamakkiisumik sipaarutaasussat pillugit takusassiornikuuppat, tas-
sunga ilanngullugit angalanerup sivisissusaa, akileraarutit akitsuutillu Mittarfeqar-
fiup karsianut isinngitsoortussat, ullormusiassat il.il.?**
5. **Naalakkersuisut paasissutissanik allanik pisumut qaammarsaataasinnaasunik tigu-
miaqarpat?**

(Inatsisartuni ilaasortaq, Kim Kielsen Siumut)

Tunngavilersuut:

Isumaqarama Naalakkersuisut paasissutissanik naammaginangittumik akissuteqaateqartut.